

迁江縣志

遂江縣志

遷江縣志卷二

山川畧

山
潭塘

巖洞
津梁

峯嶺
水利

堡隘

川

灘泉

山川名勝因人而彰也山以焦何並稱水因鄭白得名謝公之墩嚴陵之瀨一經品題則烟霞增輝林泉有幸矣邑之榜山列如屏障印山巍然聳峙遙遙相應關鎖於雙江之間而紅水一江水深源遠渾浩汪洋頗有氣勢余嘗以、黃河呼之惜舊志未修人物失攷以致黯然無色然則發江山之靈秀者不猶有待哉

山

榜山在縣城東門外清水河岸形如挂榜綿亘十里爲一部

統志

其山若遇崩塌相傳榜花開放爲邑士發科之

兆多應卯酉兩科光緒十七年知縣顏嗣徽在山頭峭壁
高二十餘丈處刻有榜花二大字又刻望眉二大字字體
係行楷書皆圍徑八尺有奇山頭隣大河岸上有石龜不
假雕琢形體俱備每值春水洋溢望之若浮水退如故

印山在縣西過紅水江三里形如金印上有石盤內時出石
魚一雙中有八仙洞下有白石牛身全見而二足隱爲邑

右峯

名勝志

光緒十七年知縣顏嗣徽在山面形似印柄處

高十二丈刻有紫篆二大字係說文體書圍徑數尺

芙蓉山在縣東南五里初日照之如一林春筍

紗帽山在縣東南隔清水江八十里形如紗帽以形似名有

巖口容百入中有水不竭與貴縣交界舊爲上林諸賊伏

匿之藪

金志

寶積山亦曰堡積山在縣東二里疊石崔嵬不通道路頂平

可居昔鄉人常依以避寇

方輿紀要

泊艦山在縣北五里金志作西北三十里其下有巖足容數

百人石笋甚奇舟過者皆駐觀之

名勝志

古黨山在縣西十五里一統志作縣南五十五里唐書有黨

州乃開古黨洞時置

名勝志

鳳凰山在縣東南鄉距城七十里俗傳時有鳳凰翔集此間

因以名之

名勝志

烟合山在縣西三里層巒疊聳林壑深蔚時出烟霞故名烟

合

通志

北鄉亦有四烟山每值山頂有霧必雨

雙髻山在縣南十里兩峯並峙相近曰佛頂山

一統志

白鶴山在縣東南二十里其下有洞水出焉名曰龍江

名勝志

其山隔清水江巖谷險峻

一統志

瓦山在縣西距城十五里山峯險峻山下有古縣治

方輿紀要

上有巖上層玲瓏光可徹容百人下層平坦可居牛畜

一統志

志即古縣治舊址民環住山下凡有警即入巖避之

金志

鷓鴣山在縣東南二十里時有鷓鴣交鳴於此

金志

帽盒山在縣治古長村前距城六里形如帽盒名勝志

牛眠山在縣治東距城六里形如牛眠之狀金志

永昌山在縣西七里石巖寬大李志

淡竹山在縣南八里金志

鐘山在縣北一里其下有巖名勝志

虎山在縣東二里李志

萊山在縣東五里一統志

甲山在縣東北十五里金志

朝山在縣西三十五里一統志

都泥山輿地廣志

邑梧山在縣西南五十里

一統志

三寶山在縣東南距城八十里山有一巖名水牛巖現出牛形足跡

玉屏山一名翠屏山在縣北鄉第一所後峯端正廉角形如屏風距城六十里

雙仙掌山在縣治北泗兩峯對立形如仙掌距城六十里

麻姑山在北泗墟距城六十里狀如麻姑騎鹿

象山在縣東南距城六十里其形如象因以爲名

方山在縣西平陽方正端嚴爲西鄉鎮山

火山在縣西石牌村側尖峯林立其勢如火距城三十里

仙山在縣西四十五里山上有古廟

擁山在縣西四十五里山下有擁山神廟山半有石人形著素衣右山有大小石婦人二左山有石男子一立山頂若迎送狀溝澗中流此小姑彭郎之類也

澤山在縣西三十五里山下有澤名屯澤中有大小石馬二身首四足全見相傳每歲正月朔旦澤中常聞鐘鼓聲

雷山在縣北二十里山頂有霧必雨若遇乾旱土人禱雨極其靈應又有蜈蚣山相傳有巨蜈蚣穴此夜間嘗放紅光貓山在縣南二十里麥墟村後峯一雌一雄勢若相逐

龍山在良塘之西距城百里形如龍掛烟雨晴霽常有五色

瑞雲

崇山在縣西二十里形如鰲魚山內有水

魚山在縣西崇山村右俗名菩薩山上有石池內出靈魚一
雙厚乾其水魚跡不見次早往觀水魚俱存故名

三仙山在崇山村後距城二十二里相傳或數年間正月朔
旦常聞鐘鼓聲

蓮花山在縣東良塘墟右距城九十里諸峯擁如蓮花

剝峽山在文輝塔右北泗溝水由此山奔騰而下形如瀑布

真武山在縣東南距城五里形如真武正座山下有水

筆架山在縣西三十里形如筆架

望友山在縣西南三十里望友橋側山腰有石如人南望若有所思之狀

馬鞍山在縣西二十五里大里村面形如馬鞍以形似名河里亦有馬鞍山

撮合山在縣南俗傳此山左筭若女子狀體貌嫵媚右冠若丈夫狀風神韶秀旁有一山名媒老若爲之撮合然

巖洞

遇仙巖在印山半腰巖口僅方丈光明再入則幽暗相傳有樵者避雨見三仙相奕今碁盤石跡猶存八所黃文輝構

亭名曰望仙亭土人或冇災祲禱之輒應今廢

金志

鴛鴦巖又名鴛鴦窩在帽盒山下其巖內產石有雄雌不可
以火取伏行暗捉或一二對磨如錢厚見黑點即止將盤
貯醋雌雄各一方徐徐近合因名相傳婦女佩之則孕

金志

黑洞巖在縣西南八十里不甚高有路可通石筍林立旁有

石盤一玲瓏奇巧池一時有金色魚土人欲鑿其盤忽見

蛇蟠踞人莫敢近又一石磬扣之清响可愛

金志

巖不甚高

凡遇蚺蛇出暴年必旱每以驗豐歉

李志

石牛巖在印山側相傳有牛盜食橫州永淳禾夜盡百畝土

人跟隨至此牛遂隱入石壁內乃募匠煮油且淋且鑿石

裂牛現碎之令牛跡油痕尙存

一統志

八仙巖在縣東距城百里巖上如八仙排立

吉星巖在縣北環山村後巖上刻有吉星二大字從此環山村文風遂盛

盤古巖在良塘墟距城九十六里巖內有盤古廟巖上有石樓一層玲瓏縹透又水巖水鳴如鐘鼓聲石鐘山無異也

澄江洞獠人所居無田而有山脊刀耕火種

名勝志

老君洞在縣東距城九十里洞內懸石如老君像座下有水特起一石柱名鎮龍柱

峯嶺

玉筍峯在縣署三堂後右側約六尺高尖秀如筍

紫嬰石在縣署三堂後左側約二尺高故名

玉柱峯在縣東北合龍村形如玉柱距城四十五里

文筆峯在縣東良塘觀田村平地特立尖峯聳峙

尖山峯在縣西平陽大潘村高入雲表可望百里

四季峯在縣北薈薇村距城二十里

鰲魚峯在縣東六十里形如鰲魚洞口內有三峯古寺北泗

亦有鰲峯狀如魁星占鰲

高嶺在縣南五里連亘十餘里背臨清水河儼若一城屏障

思烟嶺在縣北羊角村後橫亘二十餘里

弄麥嶺在縣東鄉距城六十里

營盤嶺在縣北距城六十里舊爲北泗汎地今崩

壩老嶺在縣西南十八里

堡隘

鳳凰堡在縣西四十五里

通志

三巖堡距縣七十里在忻城交界原設堡兵十名今裁

石陵堡在縣西南三十里行旅往來每罹寇患明正德七年

設堡築城置兵戍守今廢

方輿紀要

刁泊隘卽周泊隘在縣西鄉距城六十里與三里交界

高隘在西鄉距城四十里與三里交界

陳四隘在縣西距城五十里與上林交界

橫村隘在縣西南老橫村後距城五十里與上林白墟交界
岑章隘在縣北距城三十里

桃子隘距城九十里與來賓交界

古律隘在七洞墟距城一百二十里與馬平一都交界

川

紅水江亦曰都泥江即前漢書地里志之壻水也其源有二
一由貴州穿山東界一由雲南霑益州西北界名兩盤江
合流至縣城東北始會清水江下達潯梧後有攷一篇

清水江源出賓州古漏山北流上林縣界至三江口匯合廖
坪水逕縣南旋北流潞迂委折環繞如帶至縣東隅匯合紅

水江清濁分明流至黃灘下始混襍不辨

北三江在縣東北七十里有二源一出忻城土縣坂黃村一出牛蠟村至那寺村過七洞溝合流東南直下入來賓界

磨東滙紅水江

通志

武節水在縣西南八里源出朝山

寰宇記

上林縣界有武濟水

即此

一統志

攷此水即今四甲橋下高橋入紅水江之水

賀水在縣西南四十里源出邕梧山

一統志

賀水在遷江縣其

水流入柳江

方輿勝覽

謹按九域志輿地廣記皆云遷江縣有

賀水而寰宇記載賀水於上林縣境

通志

今攷省志遷江上

林均有賀水